

4.

PRAVO NA OSPOSOBLJAVANJE ZA SAMOSTALAN ŽIVOT I RAD

Pravo na osposobljavanje za samostalan život i rad ostvaruje dijete do navršenih 15 godina života, a izuzetno do navršenih 18 godina života ukoliko zbog psihofizičkih sposobnosti nije bilo u stanju završiti osposobljavanje za samostalan život i rad u predviđenom roku.

Utvrđivanje postojanja osnova za ostvarivanje prava na osposobljavanje za život i rad vrši stručna komisija za ocjenjivanje sposobnosti i razvrstavanje djece ometene u fizičkom ili psihičkom razvoju, koju obrazuje nadležni organ grada/općine, a u drugostepenom postupku odlučuje stručna komisija koju obrazuje Ministarstvo.

Dijete ometeno u psiho-fizičkom razvoju sa navršenih 15, odnosno 18 godina života, može ostvariti pravo na osposobljavanje u srednjoj školi gdje se ostvaruju stručni, posebno prilagođeni programi za obrazovanje. Pravo može ostvarivati i lice poslije navršene 21. godine života, ukoliko je to pravo uspostavljeno do navršene 21. godine života.

Dijete ili odraslo lice koje se za ostvarivanje ovog prava upućuje izvan mjesta prebivališta, odnosno boravišta, u skladu sa odredbama Kantonalnog zakon, može ostvariti pravo na pokriće: troškova smještaja u internatu ili drugoj porodici i troškove prijevoza.

Troškove prijevoza do obrazovne institucije može ostvariti dijete ili mlada osoba a po potrebi i roditelj/pratilac, u visini cijene mjesečne vozne karte za prijevoz autobusom u javnom saobraćaju, ukoliko se korisnik ne nalazi na internatskom ili porodičnom smještaju.

U troškovima osposobljavanja za život i rad učestvuju roditelji, usvojitelji i/ili srodnici, ukoliko im mjesečni prihodi po članu domaćinstva prelaze 15% od prosječne plaće Kantona. Učešće se određuje u visini od 100% pripadajućeg dijela prihoda lica koje ostvaruje pravo.

Resorno Ministarstvo ima potpisane ugovore sa ustanovama koje pružaju usluge internatskog smještaja, i to: Centar za slušnu i govornu rehabilitaciju Sarajevo, JU Centar za slijepu i slabovidnu djecu Sarajevo, Zavod za specijalno obrazovanje i vaspitanje Mjedena Sarajevo, Centar za obrazovanje, vaspitanje i rehabilitaciju slušanja i govora Tuzla te Đački dom Zenica.

Zahtjev za ostvarivanje prava se podnosi putem centra za socijalni rad ili putem službe socijalne zaštite Doboj-Jug ili Usora. U drugostepenom postupku žalbe rješava Ministarstvo za rad, socijalnu politiku i izbjeglice Ze-Do kantona.

**Potrebna dokumentacija za razmatranje i odlučivanje
po zahtjevu za ostvarivanje prava na
osposobljavanje za samostalan život i rad**

R/b	Potrebna dokumentacija	Dokument izdaje
1.	Lična karta na uvid na osnovu koje se u Centru za socijalni rad/ Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta	MUP Zeničko-dobojskog kantona
3.	Izjava o zajedničkom domaćinstvu (podnosioca/srodnika)	Nadležna općina/grad-šalter sala
4.	Izvod iz matične knjige rođenih ta djetete/mladu osobu	Nadležna općina/grad-matični ured
5.	Dokazi o prihodima potencijalnog korisnika, roditelja, punoljetnih srodnika ili drugog fizičkog lica koji su obavezni izdržavati dijete ili odraslu osobu	
5.1.	platna lista, uvjerenje ili drugi dokaz o nezaposlenosti	Poslodavac/Biro za zapošljavanje
5.2.	Uvjerenje o osiguranju za osobu koja nije na evidenciji Bira za zapošljavanje	Zavod zdravstvenog osiguranja
5.3.	Ček od posljednje penzije-starosne, invalidske ili porodične	FZ PIO/MIO
5.4.	Uvjerenje o katastarskom prihodu	Ured za katastarske poslove
5.5.	Uvjerenje o primanju po propisima u boračko-invalidskoj zaštiti	Gradska/općinska služba za boračko-invalidsku zaštitu
5.6.	Uvjerenje o primanju iz oblasti civilnih žrtava rata	Gradska/općinska služba ili Centar za socijalni rad
5.7.	Uvjerenje o prihodu obveznika, obavljanju dopunskog rada, uslužne ili druge djelatnosti	Poreska uprava
5.8.	Ugovor o zakupu nekretnine	Podnosilac zahtjeva
12.	Medicinska dokumentacija za dijete/odraslu osobu	Zdravstvene ustanove
13.	Nalaz i mišljenje o nesposobnosti za rad	Institut za medicinsko vještačenje
14.	Nalaz i mišljenje	Prvostepena stručna komisija za ocjenjivanje sposobnosti i razvrstavanje djece i omladine
15.	Pismena saglasnost roditelja/staratelja	Centar za socijalni rad/nadležna općinska služba
16.	Dokaz o troškovima prijevoza do obrazovne institucije u visini mjesečne karte za prijevoz u javnom saobraćaju, ukoliko osoba neće biti na internatskom mještaju ili na smještaju u drugoj porodici	Firme javnog prijevoza/željeznice
17.	Tekući račun (ukoliko koristi pravo na prijevoz)	Banka

Napomene:

- Dokumenti/dokazi pod rednim br.: 2,3,5,15 i 16 ne mogu biti stariji od šest mjeseci.
- Dokumenti/dokazi se dostavljaju originalni ili ovjerene kopije istog.
- Dokumenti/dokazi pod rednim br.: 12, 13, 14 i 17 se mogu dostaviti u kopiji.